

OBRAZLOŽENJE UZ PRIJEDLOG BUDŽETA GRADA ZENICA ZA 2021. GODINU SA IZVJEŠTAJEM O PROVEDENOJ JAVNOJ RASPRAVI

I UVOD

Budžet Grada, kao interni zakonski akt, predstavlja ključni dokument kojim se određuje politika finansiranja aktivnosti i programa iz djelokruga nadležnosti Grada kao lokalne samouprave. Budžet predstavlja sredstvo kojim se strateški prioriteti pretvaraju u konkretne usluge i aktivnosti, kao odgovor na socijalne, ekonomske i druge potrebe građana.

Utvrđeni Prijedlog budžeta za 2021. godinu temelji se na ostvarenju Budžeta 2019. godine, ostvarenju i procjeni izvršenja Budžeta 2020. godine, procjeni finansijskog rezultata za 2020. godinu, zahtjevima budžetskih korisnika, te saznanjima o mogućim dodatnim prihodima i rashodima koji se očekuju u 2021. godini.

Prilikom razmatranja primjedbi, prijedloga i sugestija na Nacrt budžeta za 2021. godinu vodilo se računa da se u okviru raspoloživih sredstava u Budžetu obezbijedi funkcionisanje svih oblasti u nadležnosti Grada kao lokalne zajednice, uz očuvanje stabilnosti Budžeta. Takođe, vodilo se računa da Budžet ima i razvojni i socijalni karakter.

II PRAVNI OSNOV

Pravni osnov za donošenje Budžeta Grada Zenica za 2021. godinu sadržan je u Zakonu o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), Zakonu o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09) i Statutu Grada Zenica ("Službene novine Grada Zenica", broj: 5/15).

Članovima 15. do 28. Zakona o budžetima u FBiH propisan je način i postupak izrade i donošenja budžeta kantona, gradova i općina, zatim članom 13. i 15. Zakona o principima lokalne samouprave u FBiH propisana je obaveza Gradonačelnika da dostavi prijedlog budžeta Gradskom vijeću, u roku propisanom budžetskim kalendarom, a članom 21. stav 1. tačka 3. Statuta Grada Zenica utvrđena je nadležnost Gradskog vijeća u donošenju budžeta.

Prijedlog budžeta Grada Zenica za 2021. godinu, izrađen je u skladu sa Pravilnikom o knjigovodstvu budžeta u Federaciji Bosne i Hercegovine ("Službene novine FBiH" broj 60/14) i po kontima iz Analitičkog kontnog plana za Budžet i budžetske korisnike, koji je sastavni dio Pravilnika, a u cilju jedinstvenog evidentiranja u računovodstvene knjige. Navedenim Pravilnikom definisane su i standardne budžetske klasifikacije i to: organizaciona, ekonomska, funkcionalna i fondovska klasifikacija, a sve u svrhu obezbjeđenja kontrole namjenskog trošenja sredstava budžeta. Prijedlog budžeta za 2021. godinu sadrži sve navedene budžetske klasifikacije.

U skladu sa Računovodstvenim politikama za federalne budžetske korisnike i Trezor ("Službene novine FBiH", broj 58/16) i Uputstvom o otvaranju posebnih namjenskih transakcijskih računa, načinu planiranja, prikupljanja, evidentiranja i raspolaganja sredstvima sa posebnih namjenskih transakcijskih računa otvorenih kao podračuna u okviru Jedinstvenog računa Trezora ("Službene novine FBiH", broj 44/17), neutrošena sredstva na kraju godine (namjenska sredstva i sredstva primljena po osnovu donacija), a prije izrade godišnjeg obračuna, preknjižena su na vremenska razgraničenja. U narednoj fiskalnoj godini ta sredstva preknjižavaju se sa konta vremenskih razgraničenja na odgovarajući konto prihoda i predstavljaju prihod te fiskalne godine. S obzirom na navedeno ova sredstva i planiraju se Prijedlogom budžeta za 2021. godinu u ukupnom iznosu od 2.466.358,90 KM.

III OBRAZLOŽENJE PREDLOŽENIH RJEŠENJA

A – PRIHODI I PRIMICI

Ukupno planirani prihodi i primici u Prijedlogu budžeta Grada Zenica za 2021. godinu iznose 62.597.675,41 KM, odnosno utvrđeni su na istom nivou kao i u Nacrtu budžeta za 2021. godinu.

Strukturu prihoda i primitaka po Prijedlogu budžeta za 2021. godinu čine:

1. prihodi i primici Grada planirani u iznosu od 53.619.675,41 KM i
2. primljeni transferi od ostalih nivoa vlasti – namjenske doznake planirane u iznosu od 8.978.000,00 KM.

U sljedećoj tabeli data je struktura prihoda i primitaka planiranih Nacrtom i Prijedlogom budžeta za 2021. godinu, te uporedni pokazatelji u odnosu na Nacrt budžeta za 2021. godinu.

TABELA br. 1 (KM)

RED. BR.	VRSTA PRIHODA	NACRT BUDŽETA 2021. g.	POVEĆANJE/ SMANJENJE	BUDŽET 2021. g.	INDEX (5:3 x 100)
1	2	3	4	5	6
I	PRIHODI OD POREZA	22.237.501,50	0,00	22.237.501,50	100
II	NEPOREZNI PRIHODI	15.131.500,00	0,00	15.131.500,00	100
III	PRIMLJENI TEKUĆI TRANSFERI I DONACIJE	1.605.850,00	0,00	1.605.850,00	100
IV	PRIMLJENI KAPITALNI TRANSFERI	6.708.533,46	0,00	6.708.533,46	100
V	KAPITALNI PRIMICI	6.270.000,00	0,00	6.270.000,00	100
VI	PRENOS NAMJ. SRED. CZ PO ZAKONU O ZAŠTITI I SPAŠ. LJUDI ... - 0,5%, NEUTROŠENIH U PRETH. GOD.	1.666.290,45	0,00	1.666.290,45	100
	UKUPNO PRIHODI I PRIMICI GRADA (od I do VI)	53.619.675,41	0,00	53.619.675,41	100
VII	PRIMLJENI TRANSFERI OD OSTALIH NIVOVA VLASTI - NAMJENSKE DOZNAKE	8.978.000,00	0,00	8.978.000,00	100
	UKUPNO PRIHODI I PRIMICI BUDŽETA (od I do VII)	62.597.675,41	0,00	62.597.675,41	100

Kako su prihodi i primici u Prijedlogu budžeta Grada Zenica za 2021. godinu planirani na nivou utvrđenom Nacrtom budžeta za 2021. godinu, s toga nema potrebe za detaljnijim obrazloženjem po grupama prihoda i primitaka.

U okviru prihoda i primitaka Grada planirana su i namjenska sredstva koja su doznačena u 2020. godini, ali nisu utrošena u toj godini, a to su sljedeća sredstva:

- Tekući transfer od međunarodne organizacije za realizaciju projekta Produktivna zelena infrastruktura za postindustrijsku gradsku regeneraciju - Evropski program Horizon 2020 u iznosu od 19.530,00 KM;
- Tekući transfer od međunarodne organizacije za realizaciju projekata Evropski program Horizon 2020 (proGlgreg) i Interreg Dunavski transnacionalni program (Agora) u iznosu od 57.905,00 KM;
- Tekući transferi od međunarodne organizacije za projekat Integrirani program podrške za reintegraciju povratnika po osnovu sporazuma o readmisiji - faza III u iznosu od 12.090,00 KM;
- Tekući transferi od međunarodne organizacije u sklopu PRO-Budućnost II za projekat Mi smo golubovi mira u iznosu od 2.500,00 KM;
- Tekući transferi od Države za realizaciju podrške sistema prihvata i integracije bh državljana koji se vraćaju po osnovu sporazuma o readmisiji u iznosu od 9.500,00 KM;
- Tekući transferi od kantona - sredstva Fonda za zaštitu okoliša u iznosu od 12.309,99 KM;
- Kapitalni transfer od Federacije za rekonstrukciju postojeće vodovodne i kanalizacione mreže od kružnog toka Radakovo do ulice Crkvice u iznosu od 128.676,46 KM;
- Kapitalni transferi od Federacije za izgradnju Eko kuće Smetovi u iznosu od 220.000,00 KM;
- Kapitalni transferi od Federacije za rekonstrukciju ambulante porodične medicine i društvenog doma Janjići u iznosu od 156.000,00 KM;
- Kapitalni transferi od kantona za izgradnju i unapređenje infrastrukture u poslovnim zonama u iznosu od 81.557,00 KM;
- Kapitalni transferi od kantona za izgradnju Eko kuće Smetovi u iznosu od 100.000,00 KM i
- Namjenska sredstva civilne zaštite prikupljena u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća - 0,5% u iznosu od 1.666.290,45 KM.

U skladu sa članom 26. Zakona o budžetima u FBiH, Prijedlogom budžeta za 2021. godinu, u okviru prihoda i primitaka Grada, planirana su i sredstva za pokriće budžetskog deficita, a koji je projiciran u iznosu od 1.309.000,00 KM. Naime, za taj iznos, prihodi i primici planirani Prijedlogom budžeta veći su od planiranih rashoda i izdataka.

B – RASHODI I IZDACI

Planirani rashodi i izdaci u Prijedlogu budžeta za 2021. godinu iznose 61.288.675,41 KM ili za 171.000,00 KM više u odnosu na rashode i izdatke Nacrta budžeta za 2021. godinu

Strukturu rashoda i izdataka u Prijedlogu budžeta za 2021. godinu čine:

1. rashodi i izdaci iz prihoda Grada planirani u iznosu od 52.310.675,41 KM
2. transferi od ostalih nivoa vlasti – namjenske doznake planirane u iznosu od 8.978.000,00 KM.

U Tabeli broj 2 data je struktura rashoda i izdataka planiranih Nacrtom i Prijedlogom budžeta za 2021. godinu, kao i uporedni pokazatelji u odnosu na Nacrt budžeta za 2021. godinu.

TABELA br. 2 (KM)

RED. BR.	VRSTA RASHODA	NACRT BUDŽETA 2021. g.	POVEĆANJE/SMANJENJE	BUDŽET 2021. g.	INDEX (5:3 x 100)
1	2	3	4	5	6
I	REDOVNA DJELATNOST	13.679.300,00	0,00	13.679.300,00	100
1	PLAĆE I NAKNADE TROŠKOVA ZAPOSLENIH	10.440.200,00	0,00	10.440.200,00	100
2	DOPRINOSI POSLODAVCA I OSTALI DOPRINOSI	986.800,00	0,00	986.800,00	100
3	IZDACI ZA MATERIJAL I USLUGE	2.152.300,00	0,00	2.152.300,00	100
4	IZDACI ZA NABAVKU STALNIH SREDSTAVA	100.000,00	0,00	100.000,00	100
II	POSEBNE NAMJENE	38.260.375,41	+ 171.000,00	38.431.375,41	100
1	IZDACI ZA MATERIJAL I USLUGE	10.951.530,00	+ 11.000,00	10.962.530,00	100
2	TEKUĆI TRANSFERI I DRUGI TEKUĆI RASHODI	7.418.521,50	+ 160.000,00	7.578.521,50	102
3	KAPITALNI TRANSFERI	2.386.676,46	0,00	2.386.676,46	100
4	IZDACI ZA KAMATE	700.000,00	0,00	700.000,00	100
5	IZDACI ZA NABAVKU STALNIH SREDSTAVA	11.111.357,00	0,00	11.111.357,00	100
6	IZDACI ZA OTPLATE DUGOVA	2.200.000,00	0,00	2.200.000,00	100
	NAMJENSKA SRED. ZA ZAŠTITU OD POŽARA OD NAKNADA ZA VATROGAS.	264.500,00	0,00	264.500,00	100
	NAMJENSKA SRED. CZ PO ZAKONU O ZAŠTITI I SPAŠ. LJUDI ... - 0,5%	2.296.290,45	0,00	2.296.290,45	100

RED. BR.	VRSTA RASHODA	NACRT BUDŽETA 2021. g.	POVEĆANJE/ SMANJENJE	BUDŽET 2021. g.	INDEX (5:3 x 100)
1	2	3	4	5	6
	SREDSTVA FONDA ZA ZAŠTITU OKOLIŠA FBIH SA NEUTROŠ. SRED. U PRETH. G.	931.500,00	0,00	931.500,00	100
III	TEKUĆA BUDŽETSKA REZERVA	200.000,00	0,00	200.000,00	100
	UKUPNO RASHODI I IZDACI IZ PRIHODA GRADA (od I do III)	52.139.675,41	+ 171.000,00	52.310.675,41	100
IV	TRANSFERI OD OSTALIH NIVOVA VLASTI - NAMJENSKE DOZNAKE	8.978.000,00	0,00	8.978.000,00	100
1	TEKUĆI TRANSFERI I DRUGI TEKUĆI RASHODI	8.428.000,00	0,00	8.428.000,00	100
2	KAPITALNI TRANSFERI	550.000,00	0,00	550.000,00	100
	UKUPNO RASHODI I IZDACI BUDŽETA (od I do IV)	61.117.675,41	+ 171.000,00	61.288.675,41	100

Pri izradi Prijedloga budžeta, a u skladu primjedbama, prijedlozima i sugestijama datim na samoj sjednici Gradskog vijeća, kao i dostavljenim u toku javne rasprave, izvršene su određene izmjene u smislu povećanja/smanjenja planiranih iznosa u odnosu na Nacrt.

Uzimajući u obzir prijedloge većine vijećnika datih na sjednici Gradskog vijeća, kao i zaključak Komisije za pitanja mladih od 03.02.2021. godine, predlagač je prihvatio prijedlog da se uvećaju sredstva planirana za transfer za sport, kao i da se planiraju sredstva za izradu strategije za mlade i sredstva za sufinansiranje rada Centra za mlade.

Rashodi i izdaci za redovnu djelatnost, Prijedlogom budžeta za 2021. godinu, planirani su u istom iznosu kao i u Nacrtu budžeta.

U Prijedlogu budžeta za 2021. godinu, rashodi i izdaci za posebne namjene planirani u iznosu od 38.431.375,41 KM, uvećani su za 171.000,00 KM u odnosu na planirani iznos u Nacrtu.

U okviru rashoda i izdataka za posebne namjene budžetska pozicija "Transferi za sport" uvećana je za 150.000,00 KM, i sada iznosi 850.000,00 KM.

U Prijedlogu budžeta za 2020. godinu otvorene su nove budžetske pozicije, i to:

- "Izrada Strategije prema mladima Grada Zenica" u iznosu od 11.000,00 KM i
- "Učešće u sufinansiranju rada Centra za mlade" u iznosu od 10.000,00 KM.

Tekuća budžetska rezerva u Prijedlogu budžeta za 2021. godinu planirana je u iznosu od 200.000,00 KM, odnosno planirana je na nivou utvrđenom u Nacrtu budžeta.

Transferi od ostalih nivoa vlasti – namjenske doznake u Prijedlogu budžeta za 2021. godinu planirani su u ukupnom iznosu od 8.978.000,00 KM, odnosno u iznosu utvrđenom Nacrtom budžeta.

IV IZVJEŠTAJ O PROVEDENOJ JAVNOJ RASPRAVI

Na 6. sjednici Gradskog vijeća Zenica, održanoj 04.02.2021. godine, utvrđeni su Nacrt budžeta Grada Zenica za 2021. godinu i Nacrt Odluke o izvršavanju budžeta za 2021. godinu, te su isti upućeni na javnu raspravu u trajanju 10 dana od dana održavanja sjednice Gradskog vijeća, odnosno zaključno sa 15.02.2021. godine.

Na većinu primjedbi, prijedloga i sugestija datih tokom sjednice od strane učesnika u raspravi, a povodom razmatranja Nacrta budžeta za 2021. godinu, predlagač je dao svoj stav na samoj sjednici, tako da nema potrebe iste navoditi u ovom aktu.

U toku javne rasprave na Nacrt budžeta Grada Zenica za 2021. godinu dostavljene su primjedbe, prijedlozi i sugestije, date u sljedećoj tabeli:

R. br.	Podnosilac	Prijedlog, primjedba, sugestija	Nacrt 2021. god.	Povećanje za:	Smanjenje za:
1	JU Muzej grada Zenica	Predlaže povećanje sredstava planiranih na budžetskoj poziciji "Obnova kulturno-historijskog naslijeđa" na 15.000,00 KM	10.000,00 KM	5.000,00 KM	
2	Udruženje privatnih predškolskih ustanova za odgoj i obrazovanje Zeničko-dobojskog kantona (10 ustanova sa područja Grada)	Predlaže otvaranje nove budžetske pozicije "Finansiranje djelatnosti predškolskog odgoja i obrazovanja u privatnim predškolskim ustanovama" sa iznosom od 5.000,00 KM po ustanovi (x 10) na godišnjem nivou, odnosno 50.000 KM.		50.000,00 KM	
		Predlaže otvaranje nove budžetske pozicije kroz kapitalne transfere za privatne predškolske ustanove u iznosu od 5.000,00 KM po ustanovi (x 10) na godišnjem nivou, odnosno 50.000,00 KM.		50.000,00 KM	
3	Nogometni klub Čelik Zenica	Predlaže otvaranje nove budžetske pozicije "Izmirenje poreznog duga NK Čelik Zenica po zaključenom Sporazumu - reprogram" u iznosu od 336.624,72 KM.		336.624,72 KM	
		Predlaže otvaranje nove budžetske pozicije, u skladu sa Sporazumom između Grada Zenica i NK Čelik Zenica, za doznačavanje sredstva oprihodovanih od zakupa poslovnih prostora na stadionu Bilino polje u iznosu od 222.117,84 KM.		222.117,84 KM	
4	Vijećnik Albin Čatić	Predlaže otvaranje nove budžetske pozicije "Izgradnja kanalizacionog sistema na području kompletnog sliva Babina rijeka" u iznosu od 1.894.400,00 KM.		1.894.400,00 KM	
5	Advokat Jasmin Mutapčić	Predlaže planiranje sredstava na budžetskoj poziciji "Prisilno izvršenje pravosnažnih sudskih rješenja koje realizuje banka" u Budžetu Grada Zenica za 2021. godinu za isplatu po presudama, a na ime naknade materijalne štete (klizište naselje Pečuj).	180.000,00 KM		

R. br.	Podnosilac	Prijedlog, primjedba, sugestija	Nacrt 2021. god.	Povećanje za:	Smanjenje za:
6	JU Predškolski odgoj i obrazovanje Zenica	Predlaže povećanje sredstava planiranih na budžetskoj poziciji "Finansiranje djelatnosti predškolskog odgoja i obrazovanja" za iznos od 120.000,00 KM	720.000,00 KM	120.000,00 KM	
		Predlaže otvaranje nove budžetske pozicije "Rekonstrukcija i investiciono održavanje obdaništa" i kupovinu vozila u iznosu od 550.000,00 KM.		550.000,00 KM	
7	"Regionalna deponija Mošćanica" d.o.o. Zenica	Predlaže povećanje sredstava planiranih na budžetskoj poziciji "Usluge deponovanja komunalnog otpada" za iznos od 800.000,00 KM.	800.000,00 KM	800.000,00 KM	
8	BZK "Preporod" - gradsko društvo Zenica	Predlaže da se otvori nova budžetska pozicija sa koje bi se finansiralo samo ovo društvo.			
9	Mjesna zajednica "BRIST"	Predlaže otvaranje nove budžetske pozicije "Finansijska mjesečna naknada za rad predsjednika savjeta i povjerenika mjesnih zajednica" u iznosu od 133.200,00 KM na godišnjem nivou, a za isti iznos da se umani budžetska pozicija "Podsticaj poljoprivrednoj proizvodnji".	600.000,00 KM	133.200,00 KM	133.200,00 KM
10	JU Apoteka "ZDRAVLJE" Zenica	Predlaže otvaranje nove budžetske pozicije "Finansiranje rada depoa i dežurne apoteke" u iznosu od 56.325,89 KM.		56.325,89 KM	
11	JU "Dom-porodica" Zenica	Predlaže povećanje sredstava planiranih na budžetskoj poziciji "Finansiranje rada JU Dom porodica Zenica" na iznos od 400.000,00 KM, a da se umani budžetska pozicija "Održavanje komunalne higijene grada" za 60.000,00 KM.	340.000,00 KM 2.780.000,00 KM	60.000,00 KM	60.000,00 KM
12	Klub vijećnika SDA	Predlaže smanjenje sredstava za plaće i naknade troškova zaposlenih, kao i doprinose poslodavca i ostale doprinose, a da se povećaju sredstva na budžetskoj poziciji "Usluge deponovanja komunalnog otpada"	11.427.000 KM 800.000,00 KM		800.000,00 KM
		Predlaže smanjenje sredstava za plaće i naknade troškova zaposlenih, kao i doprinose poslodavca i ostale doprinose, a da se povećaju sredstva na budžetskoj poziciji "Troškovi nadzora na komunalnoj infrastrukturi i druge usluge"	11.427.000 KM 400.000,00 KM		300.000,00 KM
		Predlaže se umanjivanje sredstava za izgradnju Gradske vijećnice, a da se planiraju sredstva za izmirenje poreznog duga NK Čelik po zaključenom Sporazumu - reprogram	2.000.000,00 KM		336.624,00 KM
				336.624,72 KM	

R. br.	Podnosilac	Prijedlog, primjedba, sugestija	Nacrt 2021. god.	Povećanje za:	Smanjenje za:
12	Klub vijećnika SDA	Predlaže se umanjeње sredstava za izgradnju Gradske vijećnice, a da se planiraju sredstva za transfer za NK Čelik po osnovu sredstava uprihodovanih od zakupa poslovnih prostora na stadionu Bilino polje	2.000.000,00 KM	222.117,84 KM	222.117,84 KM
		Predlaže se umanjeње sredstava za izgradnju Gradske vijećnice, a da se povećaju sredstva planirana na budžetskoj poziciji "Transferi za sport"	2.000.000,00 KM 700.000,00 KM	250.000,00 KM	250.000,00 KM
		Predlaže se umanjeње sredstava na budžetskoj poziciji "Održavanje komunalne higijene grada", a da se planiraju sredstva na ime pomoći djeci sa posebnim potrebama Grada Zenica	2.780.000,00 KM	50.000,00 KM	50.000,00 KM
		Predlaže se umanjeње sredstava na budžetskoj poziciji "Održavanje komunalne higijene grada", a da se planiraju sredstva na ime izdataka za grijanje korisnika socijalne pomoći	2.780.000,00 KM	180.000,00 KM	180.000,00 KM
		Predlaže se umanjeње sredstava na budžetskoj poziciji "Transferi za kulturu", a da se planiraju sredstva na ime stipendija za nadarene studente Univerziteta u Zenici	480.000,00 KM	80.000,00 KM	80.000,00 KM
		Predlaže se umanjeње sredstava na budžetskim pozicijama "Rekonstrukcija i investiciono održavanje ambulanti i depoa apoteka" i "Rekonstrukcija i investiciono održavanje ambulanti i depoa apoteka (sredstva JU Dom zdravlja Zenica i JU Apoteka Zdravlje Zenica)", a da se planiraju sredstva na ime pomoći JU Apoteka "Zdravlje" Zenica	500.000,00 KM 362.700,00 KM	150.000,00 KM	75.000,00 KM 75.000,00 KM
		Predlaže se umanjeње sredstava na budžetskoj poziciji "Učešće u sufinansiranju dijela kamatne stope za privredne subjekte", a da se povećaju sredstva na budžetskoj poziciji "Transferi privatnim preduzećima i preduzetnicima (sufin. projekata, finansiranje obrta i preduzetništva)"	100.000,00 KM 200.000,00 KM	50.000,00 KM	50.000,00 KM
		Predlaže se umanjeње sredstava na budžetskim pozicijama "Putni troškovi", a da se planiraju sredstva za "Sufinansiranje izgradnje spomen obilježja Javorje"	59.000,00 KM	50.000,00 KM	50.000,00 KM
13	Sportski savez Grada Zenica	Predlaže povećanje sredstava za sport na nivo prošlogodišnjeg plana			
		Predlaže otvaranje nove budžetske pozicije za realizaciju reprograma NK Čelik i Sporazuma			
		Predlaže da se planiraju sredstva za finansiranje trenažnih procesa i odigravanja utakmica za sve sportske kolektive			

Većina učesnika javne rasprave dostavila je primjedbe, prijedloge i sugestije kojima predlažu povećanje rashodovne strane Nacrta budžeta, odnosno povećanje planiranih iznosa na postojećim budžetskim pozicijama, kao i otvaranje novih budžetskih pozicija, a da pri tome nisu predložili objektivni izvor iz kojeg bi se finansiralo predloženo povećanje. Dakle, isti nisu ispoštovali član III stav 2. Zaključka Gradskog vijeća, broj: 01-45-2115/21 od 04.02.2021. godine.

Aktuelna dešavanja u Bosni i Hercegovini u vezi sa koronavirusom (COVID-19), kao i okolnosti koje iz toga proizlaze, kao što su ograničenje kretanja, zatvaranje granica Bosne i Hercegovine i zabrane rada privrednih subjekata pojedinih sektora privrede, posljedično dovode do udara na svjetsku, evropsku, pa samim tim i ekonomiju u Bosni i Hercegovini. Naime, navedene mjere imaju direktan uticaj na potražnju i ponudu roba i usluga na tržištu, te pogađaju privredne subjekte i radnike, smanjujući obim privrednih aktivnosti, odnosno potrošnje, koja se odražava i na izvršavanje budžeta, kroz smanjeno ostvarenje većine vrsta prihoda koje pripadaju jedinicama lokalne samouprave.

Prema revidiranim projekcijama javnih prihoda, dostavljenim aktom Federalnog ministarstva finansija, broj: 05-12-5-3361-2/20 od 29.10.2020. godine, očekuje se da će Grad Zenica u tekućoj i naredne dvije godine, godišnje ostvarivati za oko 2.000.000,00 KM manje prihode po osnovu indirektnih poreza u odnosu na projekciju indirektnih prihoda iz oktobra 2019. godine.

Kako je u 2020. godini, priliv prihoda u Budžet Grada Zenica bio manji od planiranog, kao i od ostvarenog u prethodnoj godini, obustavljeno je izvršavanje određenih projekata, a sve u cilju smanjenja potrošnje, uz napomenu da je Grad Zenica redovno servisirao sve obaveze po osnovu zaduženja.

U tekućoj fiskalnoj godini, Grad Zenica, pored finansiranja zakonskih obaveza i prioritetnih javnih potreba iz svoje nadležnosti, pokušava obezbijediti i značajan iznos sredstava za saniranje posljedica pandemije, kao i za finansiranje razvojnih infrastrukturnih projekata, koji su od vitalnog značaja za Grad.

S obzirom na sve navedeno, te na ograničenost projiciranih prihoda za 2021. godinu, kao i projekciju finansijskog rezultata za prethodnu godinu - deficita, predlagač iz objektivnih razloga nije mogao prihvatiti dostavljene primjedbe.

U skladu sa prethodno navedenim predlažemo Gradskom vijeću Zenica da usvoji Budžet Grada Zenica za 2021. godinu i Odluku o izvršavanju Budžeta Grada Zenica za 2021. godinu u dostavljenoj formi.

SLUŽBA ZA FINANSIJE